



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 7


Yangia anidakangma :

f Tir Yimyim

Instagram tiryimyim@aolima

YouTube tir yimyim

TAPAK 3



Ali Bongo bendanglimai aotsü nokdanga mali: Gabon mitkar



India-i Timor Leste nung Indian Embassy amenoktsü: PM Modi

VOL. XX NO. 327 (ADOK 327) DIMAPUR ROGONÜ (FRIDAY)

RONGJUI (SEPTEMBER) 08, 2023

₹ 5.00

Manipur kübok district pongu nung curfew mapang sala

Impfal, Rongjui/Sept. 07 (Agencies): Manipur kübok valley district ponguprong nung curfew benoker anogo ka lir state nung ketdangsür temi item district nung curfew mapang salatsüogo. Nüburtem achi-ajemtsü aser mozü ama tongtipang osetsüset alitsü asoshi Manipur indang valley district pongu nung curfew ya salaja liasü.

September 7, 2023 nü nungi tenzüka Impfal East, Impfal West aser Kakching district tem nung anepdang 5:00 ako nungi nikongdang 6:00 ako tashi curfew salatsü.

Thoubal district nung curfew ya anepdang 5:00 ako nungi anonung 8:00 ako tashi salatsü.

Bishnupur district nung

curfew salaba ya anepdang 5:00 ako nungi 11:00 ako tashi dang lir.

"Item talenba salaba nungya ketdangsür nungi temelaba makai telok adenshiba, mener longkak aitba mesüra rally ayongzükba amala maden," ta sangdong ajanga ashi.

Bishnupur district nung September 6 nü longkak aiter senshidaktsütsü mechi security forces temi tear gas khaloktsüba mapang tetsür timba sür nisung 40 dak tema yirua liasü.

Curfew liaka September 6, 2023 nü longkak aitertem ya Bishnupur district kübok Phougakchao Ikhai nung adenshia army barricades alema aitsü meranga liasü.

Manipur: Centre-i RTI telangzüba shidak agütsütsü memolung

New Delhi, Rongjui/Sept. 07 (Agencies): Tang Manipur nung kin balala tsüingta mepetmesü adoka aliba nung Manipur sorkari osang agütsüba Union Home Ministry aser Rashtrapati Bhavan ajanga temai adoktsütsü memolung ta RTI meshir dang telangzüba agütsü.

Right to Information (RTI) activist Venkatesh Nayak-i RTI Act 2005 indang section 7 (1) nung mela aliba ama N Biren Singh sorkari Centre nem osangtsüsang agütsüba meshia liasü. Iba Section nung nisung ka takum mesüra temeden asoshi osangtsüsang meshiba ama ghonda 48 tsüingta agütsütsüla, ta shia lir.

Maneni Nayak-i Transaction of Business Rules, 1961 indang Rule 10 kübok osangtsüsang meshia liasü, kong state mesüra union territory indang 'internal political situations' amala osang hopta ana nung khen Tir nem agütsütsü aser Director of Intelligence Bureau nungi hopta shia itdangiterba osang agütsütsü shia lir.

Nayak-i ashiba agi, taoba mapanga Transaction of Business Rules, 1961 ya yimjaki bener arur asünung sorkari India nung constitutional office tematiba nem osang agütsütsü indang meteta lir. "Manipur asoshi sorkari

ochishia inyaksangshi asür südi ta ni imla liasü," ta pai ashi.

Nayak-i July ita Home Ministry aser Rashtrapati Bhavan nem RTI ana meshia liasü. National security mechi Rashtrapati Bhavan-i hopta ana lir RTI application ya magizük, ta pai ashi.

MHA-i ita ka lir telangzüba agütsüba nunga Section 8 (1) (a) athishia osang temai adoka agütsütsü memolung, kong iba amala osangtsüsang temai adokba ajanga India indang 'sovereignty' aser 'integrity', state indang security, strategic, scientific mesüra economic interests nung kongshitsü, aibelen mapa inyaktü ajungmesotsü, ta shia lir. MHA ajangasa Section 24 athishia liasü.

Rashtrapati Bhavan nungi telangzüba zülushir August 29 nü agütsü aser yangji May aser July tsüingta ato kilonser aser home minister nati Tir den anaben-ben ajurutepogo ta shia liasü.

Manipur azüdokshi dak sendakba nung activist aiki RTI meshia zülüogo, saka telangzüba ajak nung "No information available" ta ashir.

Manipur nung Meitei kin aser Kuki-Zo kin tsüingta raratepba mapang nisung 160 dak tema süogo aser ano 60,000 shi tesem balala nung jenoka lir, ta ketdangsür osang ajanga ashir.

Taruba sorkar Congress-i kumtetsü teimla lir: NPCC



Congress lenir Rahul Gandhi-i tenzüka Bharat Jodo Yatra sentong küm ka ajungba nungtem nung Nagaland Pradesh Congress Committee (NPCC) ajanga September 6, 2023 nü Kohima nung 'Padyatra' sentong ayongzuka yimtung süa jajaba mapang tangokba noksa nung angur.

Kohima, Rongjui/Sept. 07

(TYO): Congress lenir Rahul Gandhi-i tenzüka Bharat Jodo Yatra (temeim aser telungjem nung jajaba) küm ka ajungba temaitsü Nagaland Pradesh Congress Committee (NPCC) ajanga September 7, 2023 nü Kohima nung 'Padyatra' (tetsüing agi jajaba) sentong ayongzuka liasü.

Kümsük asem tashi state nung NPCC nungi MLA kata meliaka Padyatra sentong nung nisung noklang aikati shilem agi, koba Congress Bhavan nungi tenzüka aser TCP Gate tashi orr ano Congress Bhavan nungsa tembanga liasü.

Iba sentong nung NPCC tir Supongmeren Jamir-i o tatsüka jembidang, "Asen lenir Rahul Gandhi-i 'grassroots' nung nüburtem shisa agia teblemstü khuret metetsü mechi iba yatra ya tenzüka," ta ashi.

Iba maparen ya ajanga

Congress-i nüburtem pai ashi. molungsentsü tajungba nung angatetogo, ta pai ashi.

Bharat Jodo Yatra mapang linük tesem ajunga nung nüburtemi temelenshi aginüba Congress-i ngutet, kechiaser parnok 2014 küm nungi tenzüka BJP-i aniba sorkar kübok kanga timtema aruogo, ta Supongmeren Jamir-i ashi.

Iba sentong tembanga jembidang, nisung ajak teyari nung Centre nung taruba sorkar Congress-i kumtetsü teimla lir, ta NPCC working president Khriedi Theunuo-i ashi.

Taoba parliamentary election nung NPF den alliance yanglur Congress candidate-i kanga junga toktepogo aser vote tejang ishika agi dang tamakok ajuru, ta pai ashi.

2024 parliamentary election nung takok angutsü candidate ka yoktsü Congress renema lir, ta

Opposition nung liaka nüburtemi Congress meimer aser aikati Congress ajanga dang nübur asoshi mapa tajung inyaktü ta ajiteter.

Jenang ajak nung Congress terenlokba lir, election nung Congress ya 'relevance' nung tokteper aser BJP ya 'dominance' nung tokteper, ta Theunuo-i ashi.

Centre nung Congress aruba sülen state nung aliba legislator aser danga party tem Congress dangi meyipa arutsü, ta pai ashi.

"Nüburtem ajunga teyari nung Congress-i tanaben sorkar kumtetsü lenmang sadema lir," ta Theunuo-isa ashi.

Iba sentong nung Youth Congress, Seva Dal aser Legal Cell densema NPCC indang cells balala nungi teshimtet nübu temi jembia liasü aser Congress indang sentong nung masetshie nokdaksü azüingashitepa liasü.

New Delhi nung Nagaland Emporium yanglushir lapokogo



New Delhi nung Nagaland Emporium Union Minister Rajeev Chandrasekhar-i semzüksüba noksa nung angur.

Dimapur, Rongjui/Sept. 07

(TYO): New Delhi nung Nagaland Emporium yanglushir aliba September 6, 2023 nü Union Minister Rajeev Chandrasekhar-i semzüksü.

Iba sentong nung Advisor to Chief Minister aser Chairman, Investment & Development Authority of Nagaland, Abu Metha aser Advisor, Industries & Commerce, Hekani Jakhalu nungera dena liasü.

Arts aser handicrafts tsütsü micro-entrepreneurship aika aliba mechi Nagaland indang

rongsenketzüng nung teimla aliba Union Minister Rajeev Chandrasekhar-i ashi.

Alima dang Nagaland nung aliba sempet aser tashi sayutsü asoshi Nagaland Emporium ya kanga tongtipang lir aser Ato Kilonser Narendra Modi lenisüba kübok sorkari Nagaland nung aliba district shia nungi micro-entrepreneurs yaritsü temolungtetba lir, ta pai ashi.

Abu Metha-ia kasa sentong nung jembidang, Nagaland Emporium ya Nagaland aser nüburtem asoshi ambassador

ama lir, ta ashi.

Tang yanglushir aliba tesem ya Naga nung libaliru yimya nung yanglushia lir aser iba tesem semdang temi Nagaland aser sobaliba tabu balala indang tali angazüksü jangradaktsütsü, ta pai ashi.

Iba maparen ya Chief Minister-i Nagaland temaba jenjanga ajungkettsü nukla ya aliba den puteper aser 'grassroots creators, manufacturers, aser artisans' dak rangloker, ta Metha-i ashi.

Iba sentong nung menden ya Commissioner & Secretary of Industries and Commerce, Kekhrievor Kevichusa liasü, Advisor Hekani Jakhalu-i pela agizükba o jembia aser laisa Nagaland terenlok asoshi Union Minister Rajeev Chandrasekhar-i shilem tajung agiba atema pelaba lemsatapa liasü.

Sentong tenzüka NCF Delhi indang pastor, Rev. Dr. N. Ricky Medom-i sarasadem aser melepzüing o Prasielie Pienyü, Chairman, NHHDC ajanga jembia liasü.

OFFICE OF THE
AO SENDEN
"Sabur Asashi" (For the People)

SANGDONGER

Ao Senden, All Ward Union Mokokchung Town, Landowners Board Mkg Town, Ungma, Mokokchung & Khensa Village Council telungjem senden Sept. 6, 2023 anogo Ao Senden Office nung mena itemi lemtet:

- Nagaland Municipal Act keno tang Supreme Court nung koba jembidar iba nung ajaki nungiter.
- Nagaland Municipal Act tang koba Nagaland Govt-i Panel ka tenteta yanglushidar iba ya temzüng küma magizükdang Naga nübur dang tama metetdaksütsüla. Iba Act yangludang Article 371A wazüka yua yanglutsüla.
- Sept. 1, 2023 anogo State Govt-i ayongba Consultative meeting nung Ao Sendeni 33% Women Reservation agizüker ta State Govt ajanga sangdongbaji Ao Sendeni mejembiba keno asünung iba asoshi asar.

Sd/-
(Chubawati Longchar)
PresidentSd/-
(Imtipokyim)
Gen. Secretary

ATMA Mkg-i sensaksem sentong ayongzüka agi



ATMA Mkg-i sensaksem sentong ayongzüka agi dang tangokba noksa angur.

Dimapur, Rongjui/September 7 (TYO): Agricultural Technology Management Agency (ATMA), Mokochung, Chuchuyimlang Block-i ayongzüka September 6 ser 7 nü Yaongyimti New Village aser Chuchuyimlang yimtsüing nung sensaksem sentong agiogo.

Aluyimertem shisatsü atsülangtsütsü atema sensaksem sentong koba dang Kisan Gosthi ta ajar iba sentong ya Yaongyimti New Village nung agia liasü.

Aluyimertem den sensaksem sentong ya Aolemla Kichu, BTM, Chuchuyimlang Block-i achaayanga agi, kong aluyimertemi ajangshiba

tebilemstütem indang sensaksema liasü. Kasa mapang nung aluyimertemia parnok renloka aoba aser aluyimba mapang tajangshibatem indang lemsatepa liasü. Sentong nung dena aliba ATMA temia tanga technical tsütsü shisatsü balala agüja liasü.

Tanabuba anogo Chuchuyimlang yimtsüing nung "Capacity Building on Package and Practices of Cole Crops" sentong ka ayongzüka agi, koba Chuchuyimlang yimtsüing nungi Abensa Food Security Group atema liasü.

Sentong nung shisalen sayur Abenla B Jamir, ATM, Chuchuyimlang Block liasü. Alu

ningi tsümentetba ajanga sen tali aazütsü asoshi Red cabbage, broccoli, Knolkhol, Chinese cabbage amala asükwa tsünüba aonsotsütem koda tsünütsü iba indang aluyimertem nem tangazükba agüja liasü.

Shisalen sayurisa, aluyimertem nem alu koda anepalutsü aser ozüsangnu aser tashidak balala nungi tsünüsenpongtsütem kümzüka toktsütsü atema inyakyim balala indang metetdakja liasü. Maneni Kissan Call Center aser parnok den koda tongteprateptsü iba indanga aluyimertem nem metetdaksüogo.

Yimtsüing anaprongla nungi ajak senteper aluyimer 35-i iba sentong nung shilem agia liasü.

Dimapur nung mejangjaba tasü mang ka nguteta lir

Dimapur, Rongjui/September 7 (TYO): September 6 nü nikongtsütsü 4 ako meta East P.S. duty officer-i Dimapur nung Old Dhansiri Bridge kübok mejangjaba tetsür tasü mang ka ngutetba osang agüja liasü.

Iba sülen P.S. duty party iba tesemi takaratiba nung ao aser tetsür tasü mang ka nguteta liasü. Ajisüaka tasü mang ka shiatoker aliba ajanga maittsü mejangjateti liasü.

Tetsürla yagi sentsü aika aketba kurta ka (Ash green, pink & white), anüing sentsü peticcoat semer liasü aser iba den hon sentsü agi ajentur aliba kisen temeren ana agiba den teka tabelen len temeyong

teyongba nung nail polish green nür liasü.

Temzüing ozüing kübok tinyaktsü mapatem ajak tembanga inyakba sülen tasü mang ya post-mortem examination aser identification atema District Hospital morgue-i benerogo.

Post mortem examination mapang doctor temi ashiba agi tetsürla ya arishi küm 20 nungi 30 tsüingda asütsü.

Iba dak sendakba nung asülar kinunger aser medemertem dang Officer-in-Charge, Women PS, Dimapur. (Mobile No. 7085055027) den tongteprateptsü asoshi mepeshia metetdaksüogo.

AR-i Kohima nung sen lakh aika alang temesepba mozü apu



Dimapur, Rongjui/September 7 (TYO): Itangitertem nungi osang tejangja angazükba sülen Kohima Police Station (South), nungi police tem den longjemer Assam Rifles Quick Reaction Team kati meita aoba mapang September 6 aonung temesepba mozü sen aika alang puogo.

Iba tesem nung temesepba mozü belenshiba meita atatsü asoshi Assam Rifles-i Mobile Vehicle Check Post ka amenoka liasü.

Iba jenjang agiba sülen

tenokdangba agütsür aliba temesepba mozü süngjang 5000 puogo aser shibelenertem inyakyim nung tetsükdaktsü adokdaktsüogo.

Meita aoba mapang temesepba mozü shibelenba nung amshiba two-wheeler-a ka dena pua liasü. Kohima temeket nung temesepba mozü shibelenba nokdangtsü aser aibelenertem pua jenjang tapet agütsü asoshi inyaktepba mapang tang iba temesepba mozü apuba ajanga shibelenertem inyakyim nung tetsükdaktsü adokdaktsütsü.

K Nzimongo Ngullie-i züluba kaket ka sayaogo



K Nzimongo Ngullie-i züluba kaket ka sayadang tangokba noksa nung angur. (Dimapur, Sept. 07, 2023)

Dimapur, Rongjui/September 7 (TYO): 'The Gaon Buras of the villages and towns in Nagaland' ta nüngja agütsür K Nzimongo Ngullie-i züluba kaket ka Brehostibarnü Circuit House Dimapur nung MLA & Chairman Sub-Divisional Planning & Development Board, Pughoboto, Dr. Sukhato A Sema-i sayatsüogo.

Sentong nung o jembiba mapang Dr. Sema-i ashiba agi, British India sorkar mapang Naga Hills nung Gaon Buras institution tenzüka sülen Nagaland state kümteba tashi

Gaon Bura temi sorkar ajak mesentoki kanga nongita aruogo.

Dr. Sema-isa, ajak dang taoba mapang GB tem tsüingsü nung anidaka pei aliba tesem yimjung nung toktsütsü atema inyaksangshitsü aser maneni Naga nunger ajanzükdaktsütsü atema scheme balala takok ngua benoka inyaktsü asoshi tang aliba sorkar den teka amteper inyaktsü aser nongita yaritsü ayongzüka liasü.

GB tem ya Naga nunger temzüing ozüing, libaliro aser sobaliba kümzüka ayurtem,

meyipzüktsürtem aser tanükertem ama züingshir, ta pai ashi.

Kasa mapang nung taoba Commissioner & Secretary, Ngullie-i ashiba agi, iba kaket nung yimtsüing achaayangba mapang gaon bura (GBs) tem den inyakba tajangshibatem indang zülua lir.

Kaket züluri ashiba agi iba kaket ya, literature, puti otsü, aser temzüing ozüing indang masü saka GB tem inyakyim indang, parnok atema sorkar tinyaktsü kara ser GB temi kechi inyaktsüla iba indang lir.

AR-i NSCN K(KYA) züingsem ka apu



Dimapur, Rongjui/September 7 (TYO): Osang tejangja ka angazükba sülen Longding Police den longjemer Assam Rifles-i, September 6 nü Arunachal Pradesh nung Longding District kübok Mintong yimtsüing nung NSCN K(YA) züingsem ka puogo.

Police aser AR team yagi Jagan-Longding lenmang nung mobile vehicle check post ka amenoka liasü. Garitem sota bushisüingdangba mapang sepaitem yagi telungpursang ya pua liasü.

Telungpursang ya 2016 küm security forces tem dak rangloker lenmang nung improvised explosive device toktsüba nung densema liasü. Telungpur ya police nem bendanga agütsüogo.

Iba nisungba apuba ajanga iba tesem nung ozüing alema NSCN K pur inyakyim nung tetsükdaktsü tulu adokdaktsüogo. Taoba küm ka tsüingda iba tesem nungi tema nung inyaksangshir 13 aser telung nung inyaksangshir züingsem 7 puogo.

India-i Timor Leste nung Indian Embassy amenoktsü: PM Modi



September 07, 2023 nü Jakarta nung 20buba ASEAN-India Summit nung India Ato kilonser, Narendra Modi den ASEAN lenirtem tangokba noksa nung angur.

Jakarta, Rongjui/September 07 (Agencies): Brihostibarnü Jakarta nung 20buba ASEAN-India Summit nung jembidang Ato kilonser, Narendra Modi-i, India-i Timor-Leste nung Indian Embassy amenoktsü, ta metetdaksü.

Ato kilonser Modi-i iba osang sangdongba sülen Ministry of External Affairs otongdar, Arindam Bagchi-i X ajanga, "Act East mapa küma inyaker - Delhi nungi Dili! Jakarta nung ASEAN-India senden nung PM @narendramodi-i Dili, Timor-Leste nung asen Embassy amenoktsü ta metetdaksüogo," ta lemsatöp.

Dili ya Timor-Leste yimtiba lir. Iba yimti ya kanga tongtibang, kechiyong iba yimti nung parnok Indonesia aser Portugal na den nüchiso atema raraan liasü.

Timor Leste linük den

tesendaktep yangluba mezüngpurtem rongnung India densema lir aser 2002 küm parnok Independence Day sentong nung taoba mapang Minister of State for External Affairs leniba nung India nung ketdangsertem dena liasü. Iba sülen küm ka dang lirbo 2003 küm January 3 nü India aser Timor-Leste na tsüngda tesendaktep yanglua MOU sign asü.

India-i Dili nung Embassy amenoktsü telemteba agiba ya Act East policy indang shilem ka lir.

Brihostibarnep Ato kilonser Modi-i, India nung Act East policy nung ASEAN ya tongti tongshi lir aser India nung Indo-Pacific mapatong nung ASEAN ya tongtibang, ta ashi.

"Asen puti otsü aser geography ajanga India aser ASEAN na longjemdaksür. Iba

denji külemi yimjung aser azükaru den alima tongshi ajanga asenok longjemdaksür. ASEAN ya India nung Act East Policy indang tiyongtsü tongshi lir," ta Modi-i metetdaksü.

Bodhbarnü Jakarta-i apusoa aotsü lia Modi-i, pai ASEAN lenirtem den tarutsü nung lenla balala nung amalitepa inyaksü atema jembitsü yongyar, ta metetdakja liasü.

"Ni mezüng 20buba ASEAN-India senden nung adentsü. Iba sülen ASEAN lenirtem den jembitsü," ta pai metetdakja liasü.

Brihostibar nikongdang Modi New Delhi-i apusoa aruogo aser Hokokarnü United States Tir, Joe Biden densema linük asem nungi lenirtem den jurila senden amenba sülen September 9-10 anogotem nung G20 senden nung adentsü.

'Bharat Jodo Yatra' agiba sülen küm ka ajungba anogomong among

New Delhi, September 07 (Agencies): Brihostibarnü Congress-i yaküm Kanyakumari nungi Kashmir tashi 'Bharat Jodo Yatra' agiba sülen küm ka ajungba anogomong nungtem nung linük tesem ajaklen sentong ayongzüka agi.

Yaküm Bharat Jodo Yatra kübok party lenir Rahul Gandhi den party lenirtemi kilometer 4,000 shi jaja liasü. Yaküm September 7 nü Rahul Gandhi-i Kanyakumari nung Yatra

tenzüker aser taküm January 30 nü Srinagar nung iba sentong tembanga liasü.

Brihostibarnü New Delhi nung Congress lenirtem, Indian Youth Congress, All India Mahila Congress aser National Students' Union of India nungi züngsemtemi iba anogomong sentong nung shilem agia aden.

Delhi Pradesh Congress Committee Tir, Arvinder Singh Lovely-i, "Bharat Jodo Yatra ajanga temeim aser yimjung a sentenshidaksüogo,

kechiyong Rahul Gandhi-i agiba yatra ajanga linük nung rara aser tesempa proktsü merangba yimtenren teloktem tamakok ngudaksü. Congress atemabo linük telongjemji tongtibangtiba," ta metetdaksü.

"Delhi ya linük tanela lir. Congress lenir aser taoba mapang Delhi Chief Minister Sheila Dikshit leniba kübok küm 15 tsüngda linük yimtiba nung terenlok kadaktsü, ta paisa metetdaksü.



September 07, 2023 nü Patna nung aliba ISKCON tekülem kidang Hindu nung tamangertem benjungtepdang tangokba noksa nung angur.

Uttarakhand nung tzünglu dak sendakba lendong nung nisung 111 süogo

Dehradun, September 07 (Agencies): Taküm Uttarakhand nung tzünglu dak sendakba lendong balala nung nisung 11 süogo aser tzümetsüng ajanga kibong 45,650 kongshia liasü, ta state Parliamentary Affairs Minister, Premchand Agarwal-i metetdaksü.

Assembly nung opposition züngsemtemi asüngdangba langzüdang Agarwal-i, "Tzünglu kanga aruba ajanga lendong balala nung nisung 111 asü aser nisung 72 yiru. Item lendong ajanga kibong 45,650 kongshi aser parnok nem senotsü teyari crore 30.40 agütsüogo," ta metetdaksü.

Haridwar district kija nunga item lendong ajanga kibong 35,400 kongshi, aser parnok nem sen crore 18.97 lema

agütsüogo, ta Agarwal-i metetdaksü. "Peipei tesem nung lendong mapang kümzüka maparen balala inyaksü aser teyari atema district magistrates nem sen crore 301 agütsü. Iba dak alia anentsüh agi kongshiba tesemtem yanglushitsü atema sen crore 603.10 agütsü," ta paisa metetdaksü.

Garhwal aser Kumaon regions atema helicopter kaka agütsü aser helicopters ji ajanga tzümetsüng agi kongshiba tesemtem nung nisung 500 shi kümzüker, ta pai metetdaksü.

Ali anenoka aiba tesem Joshimath nung sorkari kibong 150 nem sen crore 33.50 teyari agütsü. Tang tzümetsüng agi kongshiba kibong 296 relief camps nung jenoka lir, ta paisa shisem.



West Bengal State Assembly nung Bengali nung küm tasen anogomong 'Polia Baisakh' dang 'Bangla Dibas' ta ajatsü lemtetba anema September 07, 2023 nü Kolkata nung State Assembly kima Assembly nung Opposition Lenir, Suvendu Adhikari leniba nung BJP MLA temi longkak aitba noksa nung angur.

TMC-i Delhi nung MGNREGA sen atema longkak aittsü temelaba meshir

Kolkata, September 07 (Agencies): Trinamool Congress (TMC)-i shidi ka ajanga Delhi Police dang October ita tetenzüklen Delhi kübok tesem asem nung longkak aittsü atema temelaba agüjang, ta mepishiogo.

Centre sorkari West Bengal nem Mahatma Gandhi National Rural Employment Guarantee Act (MGNREGA) scheme kübok sen tagutsütsü aliba magütsüba anema TMC-i Delhi nung longkak aittsü tebilemba lir.

September 6 nü Rajya Sabha nung TMC MP, Derek O'Brien-i DCP Parliament Street Police station, New Delhi nem shidi asem agütsüogo. Shidi nungji TMC-i Delhi kübok Jantar Mantar, Krishi Bhavan kima aser Union agriculture minister, Giriraj Singh'er kima October 2 aser October 3 anogotem nung longkak aittsü temelaba agüjang, ta mepishia lir. Shidi ajangasa O'Brien-i

Delhi Police dang West Bengal nungi Trinamool Congress züngsemtemi MGNREGA scheme kübok sen tangutsü alir mapa inyakertem anisemer October 2-3 anogotem nung anepdang 10:00 ako nungi nikongdang 6:00 ako tashi Jantar Mantar, Krishi Bhavan aser agriculture minister Singh'er kima longkak aittsü mepishia lir.

TMC national general secretary, Abhishek Banerjee leniba nung New Delhi nung longkak aitba sentongtemji agitsü.

Taküm August ita nung West Bengal nung ruling party TMC-i, party-i October ita nung Delhi kübok Ram Leela Maidan nung longkak aittsü mepishi saka Delhi police-i temelaba magütsü, ta metetdakja liasü.

Ajisüaka Delhi police-ibo, parnoki temepishiba shidiji August 30 nü ang angu, anungji parnoki iba atemaji shisadangtsü, ta metetdaksü. (Maneni tapak 8 nung...)



TIR YIMYIM YIMOBILEM (EDITORIAL)

DIMAPUR ROGONÜ, RONGJUI (SEPTEMBER) 08, 2023

Mashilen nungi mesor

Nagaland nung Municipal aser Town Council kümteta aotsü atema tapet ozüing yanglutsü nüngdaker saka nübortemi agizüktettsüsa meyanglutetba agi tang tashi Nagaland nung Urban Local Bodies kecha nunga tenzüka mouteter. Atangji, Nagaland tatar senden nung Nagaland Municipal ozüing khenbo lateta benshitsü merangdangogo saka Kohima aser Dimapur nung khen benshidangba serbo nübortemi anema apusoba agi takoksa tulu ngur anena lir. Item ajakji ozüing yanglurtemi pei lima aser pei nübor sobaliba dak mapettsüsa ozüing latetba agi tamakok anguba mapatem lir. Atangji, Nagaland nung ULB mapa küma moutetbaji government nung yimsüsürtem takoksa masü saka nübortem takoksa lir, kechiyong linük ajunga asoshi latetba inyakyim ka tenzüka moutetba ajanga center nungi Municipal aser Town council dangi terenlok mapa inyaksü atema senotsü meyoktetter. Iba jagi metetmeteta aser ajitet-ajiteta Nagaland nung Municipal aser Town council kümteta yur pei yimti yimdonga junga mokter timtemba angur. Atangji, tangarbo Municipal alidakbo alimelen saruba nungi pei nüngdakbo peria saruteta amshir, ajisüaka Nagaland nungbo Municipal aser Town Council alidak alimelen saruba sen kijaibo office nung inyakerkem tesaadangka ita sen a magütsütettsü, kechiyong asenok yimten nem alimelen agütsütsü purtem aikabo masü aser ano külen inyakerkem kanga talila shimoka lir. Iba timtem aser takoksaji koktettsü atema Nagaland nung ULB kümteta mapa inyaka aotsübaji kanga rongdak nüngdak kümogo. Tang yabo Nagaland nung Municipal Act-a mali, kechiyong state government-i tamalen latetba Municipal ozüing ajak to kenyongi agienogo aser tang ya Municipal Act tasen ka yanglutsü asoshi shisalemsatepba mapang lir. Atangji, ozüing tasen ka latettsü atema temzüng ozüing tsütsü mongin aser lokti aser yimten nung tajangshirtem den shisalemsateptsübaji kanga nüngdaker. Iba denji tangar state-tem nunga yimti tapu balala nung Municipal Corporation mesüra Council inyakyimtem asüngdangtepa shisalemsateptsübaji kanga tongtibang mapa ka asütsü. Item asüngdangya aser shisalemsatep maparentemji temer külenang, ozüing yanglutsü purtemi pei lima aser nübortem sobaliba dak apet Municipal aser Town Council Act-ji yangludangtsü aser osangkakettem ajanga nübortem dang tebilemba meshia sangdongtsü. Ibaji yimteni ozüing yangluba inyakyim lir. Ajisüaka, Nagaland nung yamaji masü, tasüngdangteptsüla purtem den asüngdangteper ozüingji yangludanger nübortem dang ajung majung shidangtsü atema yimjak nung metetdaksür masü saka kenyongi ozüing tasenbaji kechikomakka yanglutsüar memetet ser kin shia nungi lokti tentet lenirtem jaoka shisalemsateper. Atangji, shisalemsatepbaji junger, saka yamai asü nung koda, jungla mejungla? Teindoktsü, temelenshitsü aser enoksemtsü ali mali ta senso shia nem pei tebilemba ashitsü maangka aser mapang tama agütsütsü tim. Idangji dang, senso shiai dang masü saka lokti tentettemia ajung majung shitettsü aser jangjangjaa pei tebilemba shia shisalemsateptettsü. Ajisüaka, tangbo yamai asünunga koda ta ozüing tasenbaji tezüluba nung bener arua lemsateper masü saka kecha merenem aser tezüluba nung kecha maka ser kin shia nungi teshimtetpurtem jaoka pei tebilemba shidangdaksür. Aji junger amato saka shitakba nungbo aji mashilen nungi mesor asütsü, iba jagi tang tashi Nagaland Municipal Act menokdakteter. Ashiko, kin shia nungi lenirtem jaoka jembiba senden nung ajaki mulunga agizükyonga, senso aikati magizüktettsüa akok, anungji linük nung nübortem asoshi temzüng ozüing yanglur ajung majung shidangtsü atemabo lokti dang masü saka senso shia dang asüngdang. Atangji, ajaki mulungba nung temzüng ozüing yanglutsübaji tasak asütsüa akok, anungji ajaki mesüaka teimbai mulungba nung temzüng ozüing latetter aser idakji ajak anidaker. Iba tangatetba nung temzüng yanglurtemi Nagaland Municipal Act tasen ka tama yangludanger shisalemsatep tenzük nungang telatetba tajung kati arutettsü.

OLEMSABANG

ABAM ASOSHI SARASADEM TSÜJI TIM

-- Odi Jamir, Lombok Lemtur & S. T. Yapang Lkr

Tir Yimyim 07/09/2023 mezüing tapak nung "ABAM-i taonung külemi sarasademtsü ayonger" ta sür soangdongba tatemlen "...kari ABAM telemtetba anema okadak ken o agüja lir ta angazüker." Ta zülua aliba ya kodanga mangashidangba onük tasen ka lir. ABAM küm tatem mungdang nung lemtetba anema tenzüker kari aibelenba asoshi keno agütsüba ang onokibo metet.

ABAM-i sarasadem ayongba atema tai mali, sarasadem ya Christian sobutsü lir, anungji ajaki ayongtsü akok aser sarasademtsü asoshi mepishitsü akok, yamaji onokia temulungeri sarasademtsütsü mepishir, na alidak mashi mapang ka nung ola tashi adoka masüyonga mesüra temokok agi ali nung apudaker sarasadem masüyonga ne mulung taroktiba nung onük itemi bilemteta asen Tsüngrem dang sarasademtsü mepishir;

1. Alemlim limapur mapang pressure stroke asüba ya 'Temeneni atep' ta sa jembia temenen nem tai tongloktsü, tang ABAM keno ya temenen mapa masü, ABAM 1986 lemtet anema tenzüker kari inyakba keno. Aibelener kata jenzüka modaktsüi shitak putettsü, ajaki akangakanga sarasadem nung bilemtettsü junger.
2. Jubilee amungba küm ya raratepba küm süa arudaki, ajisüaka yaküm amungba küm 150 yakibo keno shitak tembanger küm 175 jibo Aori anir Nagalima ajak asoshi temoatsü meshiba aser anguba jubilee ka südaktsütsü 'Nagalima tasen ka' nükla yur sarasademdi.
3. Mathi 5:25-26 "Nai lendang alidang ne metbuba den jungtepa, aji oda mesüra metbuba jaki na o bendanger ket nung bendanga agütsütsü aser na tsüngden chiokdak puoktsü. Ni nenok dang züngpong ashir, nai tatembangbuba poisaji meküpdang tashi idak nung jaki nai kodaka ang madoktettsü" Ta Yisui shia lir, anungji aibelener temi okadaki monüra tatok meshitsübaji Laishiba tesayuba ta jangjar.
4. Nisungi inyaksaba ajak temenen dak tai metongloktsütsü, saka aibeleneri tatok meshitsü par mulungsentsü nung Tsüngremi jembiang ta sarasademtsüdi.
5. Iba keno nung metpur shirsa lir, keno shitak tembanga maru tashi arishi aser anema aliba meshitsüdi. (Nisung sür mesüra menden nungi alur ochi obendang angubaji kechisütsü?).
6. Khrista yimsü aruba onük nung aibelener merenshiba kija agi majungtsü, Foothill road tenla/donation list mesayuteter, yamala inyakyim nungi mepilara ano asen Nagalima tamajungba dang akümtsü alinungji tang asen ABAM nung teptaka akaba tongpang ya ochibai takok ngudakjang ta sarasadem nung bilemtetdaksünür.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Rishi Sunak dang India nung Khristan tem atema jembitsü mepishi



Rishi Sunak

September 07, 2023: UK Ato kilonser, Rishi Sunak dang tan hopta pai New Delhi semdanga G20 senden nung adenba mapang nung India kübok Manipur nung Khristan tem anema inyakba süoka jembitsü mepishi.

September 9-10 anogotem nung New Delhi nung G20 lenirtem senden amentsü, aser iba senden nung lenirtemi Ukraine nung rara densema onük aika jembitsü.

Taküm May ita nungi tenzüka Manipur nung raraba tang tashi manener; nisung aika tepsetba den külemi Tenla ki aika rongdoktsüogo aser nisung meyrjang aika

jenshiogo.

Mongolbarnü (September 5) Parliament nung sentong ka nung adenertemi Ato kilonser, Rishi Sunak dang G20 senden aliba mapang nung India Ato kilonser, Narendra Modi den India nung Khristan tem anema inyakba süoka jembitsü mepishi.

APPG on India densema Khristan charity telok aika nungi züngsemtem iba senden nung dena northeast region tensa osang metetpela aser UK sorkar dang nungi telangzüba meshi.

Osangbener den jembidang International Freedom of Religion or Belief Alliance

(IRFBA) report renemsang, David Campanale-i, "Rongsenketzüng tsütsü tesendaktep atema mejembidang British Ato kilonser Rishi Sunak-i Manipur nung meimchir temeden balala anema inyakba atema tama tasüngdangba akatsüla. Shishilembaba tsütsü tesendaktep tezüngzüktep agitettsü atema parnok timtembaji asenoki repranga dangbo meyutsütsüla," ta ashi.

Prime Minister's Special Envoy on Freedom of Religion or Belief, Fiona Bruce-ia iba sentong nungji jembia liasü. Lai, tang tashi nung sorkari agütsüba telangzübaji mabensa, ta ashi.

Iba sentong nung adenertemi Bruce den Open Doors UK & Ireland CEO Henrietta Blyth, ADF International nung Director of Advocacy (Asia) Tehmina Arora, Livrepool nungi Lord Alton aser Aid to the Church in Need (ACN) nung senior press officer, John Newton nung liasü.

Pakistan nung matamabensar Khristan ka sentsüh yong tepset

September 07, 2023: Tawa Pakistan linük nung Muslim nung ali kiburtemi Khristan aluyimer ka apuba sülen reshikangshia tepsetogo.

Faislabad region nung matamabensar Khristan, Ahsan Masih apuba sülen reshikangshia liasü. Pa electric current agi pudaktsü, lisü agi arep aser temang rangsaja liasü, ta British Asian Christian Association (BACA)-i metetdaksü.

Ahsan'er medemer kati Muslim nung ali kibur ka dang nungi sen 400,000 apu, aser guarantor ji pa liasü. Ahsan'er medemer Shahbaz jagi sentsühji mouma tashi ali kibur meyong alu nung mapa inyaktsü nangzüka liasü aser Ahsan-ia alu nung pa den

yaritepa liasü.

Shahbaz shirangadokba agi sentsühji Ahsan-i aotsüsa aküm.

August 30 nü Ahsan aser par adianu Nadeem Masih na tangar lu ka nung mapa teinyakdak mapang telok kati Ahsan puer ao.

Osangbener den jembidang Masih-i, "Parnok prangpong amer arua kü dang ola tadok ta ashi. Iba sülen parnoki tashiyim amshia pa gari ka nung anioker ao," ta metetdaksü.

Tesülen ali kibur Muhammad Aslam-i Masih dang, Ahsan pa ket nung lir, aser pai sentsüh ajak agütsü nungang chioktsü, ta metetdakja liasü.

Ajisüaka September 1 nü

police-i Muhammed Aslam'er lu nung Ahsan tasü mang angu. Masih-i aibelenertem anema ken o ka benokba sülen police-i melung melemteti nisung kar pua lir.

Alima nung Khristan tem alitsü linük tamajungtiba 50 rongnung Pakistan ya jenjang 7buba nung lir (Open Doors' Watch List).

Iba tatalokba anema British Asian Christian Association (BACA)-i September 9 nü London nung longkak aittsü aser Pakistan nung Khristan tem reshikangshiba sangdongtsü.

Iba dak alia Pakistan nung Khristan tem anema inyakba nokdangtsü atema parnoki Pakistan sorkar dang akhangba 'petition' ka tenzüko.

Nepal linük nung Tenla ki ana amak

September 07, 2023: Hombarnü (September 04) Nepal kübok Lumbini Province nung Tenla ki ka amak, ta International Christian Concern (ICC)-i metetdaksü.

Lumbini district kübok Nawalparasi district nung tesüiba anogo ishika tsüngda Tenla ki ana maakogo. Iba district ya India kübok Uttar Pradesh state den arrtsüa lir.

Iba tatalokba indang noksa aser video kar prokshi, Tenla ki kichiba raksatsüba den külemi Tenla ki temeket atsü aser motorbike ka raksatsü, ta ICC-i metetdaksü.

Ano tanga noksa ka nung telok kati pastor tem dak azükba noksa lir. Yangji alirtemi pastor

tem tejak nungji tanak teplokttsü; Nepal nung tanak teplokttsüba ya tesempa aser mezüngmeshiba temaitsü lir.

Tesüiba hopta ana tsüngda Nepal nung tang agi trokbenbuba Tenla kitem amaker, aser iba tatalokba ya kanga bulua akümer, ta lenir kati metetdaksü.

K e t d a n g s e r t e m i aibelenertem anema meinyakba agi aibelenertem tasüitaitba dang akümer, ta pai ICC nem metetdaksü.

Mongolbarnüa Janakpur nung telok kati Khristan tem dak azük.

Nepal yimtiba, Kathmandu nunga yimti-yimdong nung sayutsüngia jajaba atema

Khristan ana apuba sülen court matsüngdangi anir ao.

Nepal nung temzüng kübok tanga yimsü ilatsütsüsa shingaia pei yimsü indang mejembitsü mesüra tangar ka yimsü memeyipdaksütsü shia lir.

Iba ozüng kübok mapang shia Khristan tem nem tai tonglokja apur. Nepal nung iba ozüng kübok aibelenertem küm 6 tashi jail nung puoktsü aser bendanger süra linük nungi meyipa yoktsü.

Taküm küm tetenzüklen U.S. Department of State-i Nepal nung anti-conversion ozüng kübok minorities timtemba teblemtsü lemsatapa liasü.

ANO GO ABEN TSÜNGREM DEN

Tepela Aluruba

T. Ken 126: 1-6.

Iba ken ya 2 chubatem 19 aser Isaia 37 nung Tsüngremi kechi inyak iba nungi agiteta zülu, kodang Hezekia, Yihuda nung chuba alidang Sennacharib aser Assyria armyi Yirusalem lungpang, Yihuda nung chiyongtsü asoshi kümzüktsü nungdaka liasü, kechiaser tsükchirtemi lemang ajak nokdang Yihuda nung chiyongtsü mengui liasü. Parnok alu rui aotsü mokoki liasü. Tsük senti liasü. Nüburtem kümzüker külen kodang parnok alui ao, parnoki telemtetba ka agi. Parnoki tsükji pei tanurtem atema amshitsü asü, mesüra proktsü? Aluyimertemi ajep kechiaser parnok tsük ali nung proktsü aküm(t.6). asenok ajak metsü proker aser tarurtem lir.

Tepela aluruba akatsü asoshi asenoki kechi inyaktsüla? Mezüngbuba, osangtajung metsüji prokang. Laishiba nung kuli asüba noksa aika lir (2 Kor.5:20, Zek.3:2; Matt. 4:19; 5:14). Osangtajung agi nüburtem atongbaji alu ayimba mesüka lir. Iba nung amalitep nungdaker, Kechiaser kari proker aser kari arur. Na aluruba nung shilem ka asü ?

Aluruba asoshi nai sarasademang. Kümzüka malir asoshi na tanü ajebtsü akok, saka kenü na pelatsü(Gal.6:9). Shirnoki osangtajung proker parnok tepela alururtem asütsü. Tanabuba, ne rongsen Tsüngrem sentsüwangshi asoshi prokang. Asenoki prokba asenoki arutsü(2Kor 9:6-11). Nisung aikati tamagitsü nung pei rongsen lalur. Missionarytemi teyari atar, arogo ulushitsü arogoi teyari atar. Asenoki mokuri prokra asenok tepela alururtem asütsü ta Pauli ashi.

Tesembuba, Tsüngrem Tanela Temeshi prokang (Gal 6:6-8; 5:16-23). Asenoki ya koda inyaktsü? Asenoki Tanela mapatemji asen mulungjang nung ayutsüla. Kodang asenoki Tsüngrem o nung shisadangdir (T.ken 119:11), asenoki Tanela aluruba arutsü. Temulungjangji atsüki ka mesüka lir, anungji asenoki aji reprangtsüla. Aji temulung meyipba. Temeshi alitsü mapang agiang, sarasademang, o nung shisadangang aser metsüji ne mulung nung remang.

Tanü nai inyakba ajakji aremer; metsü tajung arutsü jangjaang.

Uttar Pradesh nung Protestant Khristan ana bail nung chiok

September 07, 2023: Uttar Pradesh nung anti-conversion Court-i, "Tesayuba tajung ozüng kübok Protestant Khristan ana apuba sülen ita 8 tashi nung jail nung liasü, ajisüaka court kati tena bail nung chiokogo.

September 06, 2023 nü Uttar Pradesh High Court Allahabad bench-i Pastor, Jose Papachen aser pa kinüngtsü Sheeja Papachen na bail nung chiokogo.

Tenati Uttar Pradesh Prohibition of Unlawful Conversion of Religion Act alema inyakogo, ta tai tonglokja taküm January 24 nungi jail nung puoka liasü.

Court-i, Laishiba alemba, tanurtem nem shisaliok agütsüba mesüra charity mapa inyakbaji tamangba yimsü meyipdaksütsü merangba ashi.

BJP Ambedkar Nagar unit secretary-i, Khristan apuani na jagi tribal nisungtem aser Dalit nungertem Khristan yimsü dangi meyipdaksür, ta tai tonglokja liasü.

Osangbener den jembidang Pastor Joy Mathew-i, "Court oshidangji tejangja. Ibaji ajanga anti-conversion ozüng tim mesüi amshiba kuli sayur," ta ashi.

AO OSHI ANGAZÜKDAK:
TANÜ ANGAZÜKTSÜBA OJANG



Sakbang

(v) ai agi alu moksep, ku memejep talang kümdaktsü (over grown with weeds or hair)

* Alu meinyak sakbang aser kua memejep **sakbangdaktsü**.

Saket

(v) tango atsüket (inhale)

* Terok shia yimra agi atongdang tzü tatsük tangola **saketer**.

OLONG PAITEP # 6629

1		2				3		4		5
				6						
	7		8							
9					10			11	12	
			13		14	15				
16					17			18		
				19	20					
21		22								23
24										

TIPIEN

- 1. Saku - (4)
- 6. Songjen - (7)
- 7. Mali/Tazüing - (4)
- 9. Tasen apok - (6)
- 11. Songtem - (3)
- 13. Ata liasü - (5)
- 16. Tzüinglu den külemi tsüker - (3)
- 17. Aso tila - (6)
- 20. Tashi maküm - (4)
- 24. Tenüing kasa jatepba - (7)
- 25. Ki yangluba oset - (4)

LANGTSÜNGLEN

- 1. Taksep - (3)
- 2. Langtem - (5)
- 3. O tamendaktak - (4)
- 4. Nütsü tebuba - (3)
- 5. Anüingdang tesangwa - (3)
- 6. Apitet - (5)
- 7. Yagi jungdaktsür - (4)
- 8. Anogo semer ka - (3)
- 10. ___ tatsü - (3)
- 12. Tebur kidong aser zünga kasa tsüingda jatepba - (4)
- 14. Pela agizükba tapu ka - (5)
- 15. Tenüing atet - (3)
- 18. Mejanga onü - (5)
- 19. Talak techira - (4)
- 21. Maneni - (3)
- 22. Nübo teyi - (3)
- 23. Meshi - (3)

OLONG PAITEP # 6628 TELANGZÜBA

TIPIEN :

- 1. Yiar, 3. Tesola, 7. Yimra,
- 8. Tangar, 9. Peria, 10. Tanur,
- 11. Tasen, 13. Lemjem,
- 15. Tambu, 16. Khuret,
- 17. Sang.

LANGTSÜNGLEN :

- 1. Yimti, 2. Amen, 4. Shiner,
- 5. Alaka, 6. Satan, 9. Putet,
- 10. Tembar, 11. Tatok,
- 12. Amang, 14. Jala.




POWER DEPARTMENT NUNG METER READER ALOKBA PA DUTY INYAKA SENZÜR :

- Alokba** : Kibur, meter azüing arur akoya.
- Kibur** : Shitakato, saka ozü ya bill tali adoker amai aja.
- Alokba** : Nür kidang ya A/C kwi lir?
- Kibutsü** : Room ajak nung inoka lirko.
- Alokba** : TV aser fridge lir südi?
- Kibutsü** : Hau ajakji lir, nai yimlibilema lenmang ka sayuankoto.
- Alokba** : Ok, ni langka inyaktsüjar, ni tang arujar. (Tatsüka lir Alokba pick-up gari ka bener arur)
- Alokba** : Motiatem, par kidang aliba TV, fridge, water heater, A/C ajakji load süang.
- Kibutsü** : Arreee, kadasür ozü oset ajak bener aotsüba?
- Alokba** : Waa, light bill achema adoktsü langka lemang sayuang ta ashibat koda?
- Kibur** : Oh Alokba!

~ Lilir : WhatsApp

Tanur asoba anogo nung salem osang den noksa angati adokdaktsünüra - Tenüing, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimim@gmail.com nung yokang mesüra Tir Yimyim bureau tem nung agüjang.

Assam CM-i Barak Valley nung apu tasen kar semzüktsü



Guwahati, Rongjui/ September 7 (Agencies): Assam, Chief Minister Himanta Biswa Sarma-i Bodhbarnü tawa sen crore 159 intoka yangluba apu tasen kar semzüktsüo.

Barak ayong nung CM Sarma-i semzüktsüba mezüngbuba Badrighat apu yagi Barenga aser Kashipur sendakteptsü. Iba apu ya sen crore 58 intoka yanglu koba km

1 shi talang lir. Iba apu yagi Silchar Fulertal lenmang nung NH-37 aser NH-54 sendakteptsü.

Chief minister-i ashiba agi, item aputem ya karibo yimtsüing kar tang mezüngbuba lenmang agi sendakteptsü.

Badrighat apu den ano CM-i sen crore 14 intoka Sonai ayong temdanga yangluba RCC apu ka semzükja liasü. Iba apu

yagi Sonai kübok Dungripar yimtsüing nung alir 7000 dak tema lenmang ajanga sendakteptsü.

"Ozü double engine sorkari 2026 küm tashi nungbo Assam nung apu 1000 yanglutsü sentong lir. Tanü Barak Valley nung aliba nüburttem atema sen crore 159 intoka apu tasem asem semzüktsüo," ta CM-i ashi.

Manipur: Zomi Chiefs' Association-i COCOMI dang LOC majangstü metetdaktsü

Imphal, Rongjui/September 7 (Agencies): Zomi Chiefs' Association, General Headquarters (GHQ)-i shiti ka ajanga Co-ordinating Committee on Manipur Integrity (COCOMI) dang Line of Control (LOC) majangstü atema tekümdangstü metetdaktsüo.

COCOMI-i Bodhbarnü, Bishnupur district nung Phougakchao Ikhai kübok Tiddim lenmang (Imphal-Churachandpur lenmang) nung Army-i tenokdangba agütsür aliba agintsü takhangba agütsüo.

Iba shiti nung Zomi Chiefs'

Association (GHQ) tir Pumzadou Thangsing aser Zomi Chiefs' Association (GHQ) general secretary G Khamkhohau nati sign sür liasü.

Shiti nung ashiba agi, tetuyuba sülen manidakba ajanga India sorkari central security force yoka buffer zone ka amenoktsüo, koba tangbo Meitei nunger aser Zo kin na ali lemdangba temaitsü Line of Control (LOC) ka kümogo.

Kasa shiti nungsa, LOC temeket nung mepetmesü adokdaktsütsü tebilemba aliba lemsatapa COCOMI-i osang ka metetdaktsüo.

"Onoki nenok dang

Kangleipak arrtsü adena inyaksangshi masütsü aser onok litsü aküimtsübuttsü metetdaktsür," ta shiti nung shia lir.

Maneni shiti ajangsa, "taoba mapang ama onok tetsütebou ali aser ozü lokti kümzüka ayutsü atema onok renema lir. Nenok inyakyim ajanga kechi mepetmesü adokdir aji COCOMI khuret asütsü," ta tekümdangstü metetdaktsüo.

Manipur nung kin o kin tsüingdang May 3 nü mangatettep tenzük aser tang tashi nung nisung 150 dak tema taküm samaogo aser nisung 50,000 dak tema pei talidak ki toktsür jenshiaogo.

Tripura: Left Front-i vote azüingba nung shilem magitsü lemtet

Agartala, Rongjui/September 7 (Agencies): State yimsü asüba BJP party-i election inyakyim nung ochi mashi inyakyim balala benoka inyaksangshir ta shia Tripura nung left Front-i Boxanagar aser Dhanpur assembly menden by-elections atema vote azüingba nung shilem magitsü telemtetba agiogo.

Left Front Convener Narayan Kar-i sangdong ka

ajanga ashiba agi, by-elections nung ochi mashi inyakyim aika sendaka liasü aser iba election ya jilushi ka dang liasü.

Pai ashiba agi, iba ken o dak sendakba nung Left Front puri Election Commission (EC) nem osang aiben agütsüo agisüaka EC-i jenjang tapet magi.

"Iba amala tia tensa ka nung vote azüingba nung shilem agitsü kechi nüingdak ali. Anungji onoki September 8 nü vote azüingstü

aliba nung shilem magitsü atema telemtetba agiogo," ta Kar-i ashi.

Assembly menden ana atema election ya September 5 nü agia liasü.

Left Front-i ashiba agi, election akoktsü atema BJP puri nüburttem amokmerenba den mepetmesü adokdaktsütsü atema inyakyim balala benoka inyaka liasü. Parnokisa EC-i BJP pusema inyaksangshia liasü, ta ashi.

Agartala nung sen lakh 5 alang temesepba mozü apu

Agartala, Rongjui/September 7 (Agencies): Bodhbar aonung menor meita aoba mapang Tripura police-i Indo-Bangladesh arrtsü nung Agartala yimti tezülen Charipara tesem nung nisung ka ket nungi sen lakh 5 alang temsepa mozü pua liasü.

Osangbenertem den sensaksemba mapang West District Superintendent of Police Kiran Kumar-i ashiba agi, heroin gram 62 aser Yaba

tablets 900 pua liasü.

SP-i ashiba agi, "Indo-Bangladesh arrtsü len Charipara nung alir Milan Miah, shiba ket nung temesepba mozü alitsü aser ayoker asütsü ta temulung mlemi bilema liasü, pa dak sendakba nung osang tejangja ka angazükba sülen Amtali Police Station Officer-in-Charge Ranjit Debnath-i anir police, TSR, aser BSF personnel temi par ki meita oa

liasü."

"Onoki heroin gram 62, yaba tablets 900 aser vial tazüing 5000 nguteta liasü. Temesepba mozü ya shishilembadak sen lakh 5 alang asütsü ta asatetogo," ta SP-isa ashi.

Aija alisang ya puogo aser Narcotic Drugs and Psychotropic Substances (NDPS) Act kübok ken o ka benokogo.

Ken o tali jangjatsü atema bushisüingdang tenzükogo.

US-i Ukraine nem 'depleted uranium tank shells' agütsütsü

Kyiv, Rongjui/Sept. 07 (Agencies): US-i Ukraine nem sen billion \$1 dak tema jenjang mitkar ne maser humanitarian aid agütsüba nung shilem ka ama mangatettep aliba nok-nüa agütsütsü sangdongogo.

Conventional tank armour tem raksatsütetsüsa US Abrams tanks nung tashi tait injang agütsütsü mera agiba ya Russia-i aitsü.

Item injang ya 'depleted uranium' agi yangluba lir, koba uranium enrichment nungi yangluba lir aser radioactive material ka lir.

Bodhbar aonung Ukraine nungner meyong südi ta temolung melemi aliba drone temi Moscow anasa Rostov-on-Don yimti nung amakba osang lir.

Tejangja masüba video kar nung central Rostov nung bomb poka nisung ka tera yiru aser gari kar raksatsü, ta Governor Vasily Golubev-i ashi.

Moscow Mayor Sergei Sobyenin-ia Ramenskoye jila nung tenük yoker aruba drone ka khazüka yok aser teraksatsüba kechia meliasü, ta ashi.

US Secretary of State Antony Blinken-i Kyiv semdangba mapang Ukraine asoshi security tsütsü teyari tasen agütsütsüba ya sangdonga Russia ain adoka liasü.

Ukraine asoshi sen million \$175 jenjang US military equipment agütsüba nungya 120mm uranium tank rounds densema lir aser iba injang ya M1 Abrams tanks tem asoshi

lir, koba Ukraine nem taküm agütsütsü lir.

Iba injang ya depleted uranium agi yanglu, koba nuclear fuel mesüra hadir yangluba mapang pasasa adokba uranium lir. Iba yagi nuclear reaction madoker aser natural uranium dang radioactive kanga agi tajemba ta züngshir, ta International Atomic Energy Agency ajanga ashi.

Depleted uranium ya tanks nung armour-plating tashi taitba aser temeimba kumdaktsüba nung amshir saka nok-nü yangluba nunga amshir, kechiaser iba oset ya density tulu aser ajaki amshiba tank armour khapokteter.

Iba amala injang yagi danga oset nung tsükshiba sülen techiraba akumer aser armour tapok adokdakja mi adoker.

UK-i March ita Ukraine dangi par indang Challenger 2 tanks asoshi depleted uranium shells yoker ta sangdongba mapang Russia ain adoka liasü.

Russia Tir Vladimir Putin-i iba nok-nü nung nuclear keta lir ta ashir, aser UK Ministry of Defence ajanga 'armour-piercing shells' nung depleted uranium' ya küm aika amshia arur ta ashi aser Moscow-i metetsümonga osang tiazü prokshir ta aitsü.

Depleted uranium nung kongshiba mesüra anasa aoba ajanga nisung temang nung miim aiba balaka mongutet, ta UN Scientific Committee on the Effects of Atomic Radiation ajanga shia liasü, saka ano UN indang International Atomic Energy Agency ajanga iba depleted

uranium injang amshirtem dak radiation alitsü akok, ta ashir.

March ita Pentagon-i Ukraine dangi depleted uranium munitions meyoktsü ta shia liasü, saka US-i telemetba melenshia liasü.

US-i item nok-nü ya yoktsü telemetba agiogo, kechiaser Ukraine nung aliba Abrams tanks tem asoshi ibai tajungba ta bilemer, ta Department of Defense ketdangsur kati ashi.

National Security Council odongtar John Kirby-i item ya "commonplace type of munition" ka lir ta ashir.

US-i ano anti-armour systems, tactical air navigation system aser Himars missiles asoshi injang tali agütsüsemtsü.

"Iba teyari tasenba yagi tashi itshitsü," ta Blinken-i ashi.

Washington nung aliba Russian embassy ajanga iba telemetba ya meimchir anema inyakba temaitsü lir ta aitsü aser Ukraine mitkar temi meyiper rarar ta jembiba nung tamakok anguba agizüktsü memolunger, ta ashi.

June ita nungi Ukraine-i meyiper rarayonga arudang litsü-lika tsütsü tajangzük kanga ajema lir, saka Ukraine mitkar lenirtemi south tsütsü Russia indang defence line mezüngbuba rakpokogo ta ashir.

Ukraine anüdoklen Donetsk region kübok Kostyantynivka yimti nung Bodhbarnü tanur ka densema nisung 16 tepset.

Iba lendong atema Ukraine Tir Volodymyr Zelensky-i Moscow tenüng asen saka Russia nungi telangzüba kecha agüja mali.

Ali Bongo bendanglimai aotsü nokdanga mali: Gabon mitkar

Libreville, Rongjui/Sept. 07 (Agencies): Gabon tir menden nungi atsüngdoker alisang Ali Bongo Ondimba ya kidang pua yua aliba nungi chiokogo aser temang anepalutsü asoshi linük yutsür aotsü nokdanga mali, ta taoba ita pa tir menden nungi atsüngdoker mitkar temi ashi.

Nüburtemi kanga aija aliba elections nung pai takok nguogo ta sangdonger mapang tatsüka tsüngta Bongo ya tir menden nungi August 30 nü atsüngdoka liasü. Pa tir menden nung küm 14 mener liasü aser ano amentsü liasü.

"Pa temang majungba yong taoba tir Ali Bongo Ondimba ya oli-oratsü sadema lir. Pai molungra pa temang anepalutsü asoshi bendanglimai aotsü akok," ta Gabon mitkar odongtar

Colonel Ulrich Manfoumbi-i Bodhbar nikongdang national television nung sangdong ka zünga metetdaksü.

Bongo kidang pua aliba chiokba sangdong nungya General Brice Clotaire Oligui Nguema-i meyongnem agüja lir, shiba Gabon tir tasenba ama Hombarnü tenangzüktepba agia liasü.

Oligui ya Bongo'er kinunger aser Bongo tebo anüker ka ama inyaka liasü aser linük indang republican guard tekolakba liasü.

Bongo ya linük nungi aotsü maongka lir, saka iba mera agitsü pa molung, ta osangbener kati ashi.

Bongo ka küm pongu tejakdang stroke süa liasü aser pa indang doctor tem den majurutepe lia aru.

Par kibong asoshi ibai ano tebilemsü ka lir. Pa kinungtsü

ya par jabaso Nouredin den külemi presidential palace indang floor pezü buba nung pua yua lir. Parnok ajak ya linük ashioksü ta tai tonglokja lir.

Sorkar senpong nung parnok sen auya ta tai tonglokja lir, anungji parnok obendangba alitsü, ta linük nung lenir tasenba Nguema-i shiogo.

Hombarnü tir aliba ki nung Hombarnü tenangzüktep agiba sülen mitkar temi azüdokshi melie linük amokbangogo aser election tejangja aser yimya shidak nung agia nüburtem nem tashi meyipa agütsütsü, ta Nguema-i ashi.

Mitkar temi tashiyim amshia sorkar atsüngdokba ya Gabon nung aliba nüburtemi pela agizük saka African Union aser linük balalai aitsü.

SÜR KÜM KA AJUNGBA MENUNGRA BILEMTETER

Talakba nai onok toktsür or tanü küm ka ajunger. Ne menürem jakden shisatsü aser temeim onoki mamateter. Nai ashiba otem bilemteta tanü onoki ne nem tenüngsang agüja amonger.

Nai akümlidang inyakba mapa tajungtem onok mulung nung teti lir aser kümtem süidemaka onoki na mamateter. Na Kibuba den tesünep nung lir ta meteta onok mulung anisüngzöker.

Kodanga amatsü makokba temeim Tsürabur, tedi teno & kinungertem.



Talakba Shiluba
Tasüba anogo - 8.9.2022

North Korea den military tesendaktep kecha mayutsüla: S Korea



Yoon Suk Yeol

Seoul, Rongjui/September 7 (Agencies): South Korea tir Yoon Suk Yeol-i Bodhbarnü ashiba agi, alima yimjung raksatsütsüsa military dak sendakba nung North Korea den tesendaktep ayutsü merangba ajanga anentsü nüngdaker.

Jakarta, Indonesia nung Southeast Asia indang ASEAN bloc linüktem den senden amenba mapang Yoon-i iba olen ya lemsatepa liasü, ta pa indang office ajanga metetdaksü.

Iba dak sendakba nung office-i ken o rasa mashi, ajisüaka North Korea aser Russia na prangbong injang yokyatsüyatsü atema sendaksemba osang adoker aliba aser North lenir Kim Jong Un-i Russia semdanga tir Vladimir Putin den ajuruteptsü sentong aliba mapang ka nung tir-i iba olen ya lemsatepogo.

"Alim yimjung raksatsütsüsa North Korea den military tsütsü tesendaktep ayutsü merangba tangsa tang annentsü nüngdaker," ta pai ASEAN linük nungi lenirtem den senden amenba mapang ashi, ta pa indang office sangdong ka ajanga metetdaksü.

Ajisüaka North Korea aser Russia napronglai prangbong injang yokyatsüyatsü atema kecha sensak masem ta shiogo.

Kim-i iba ita tatemlen Russia kübok Vladivostok yimti semdangtsü aliba ya Moscow nem Ukraine rara nung

amshitsü atema prangbong injang agütsütsü asoshi sensekasemtsü atema lir, ta New York Times-i iba hopta sangdonga liasü.

Russia indang defence minister, Sergei Shoigu-i taoba mapang ashiba agi, linük ana longjemer military exercise balala ayongzüka agitsü sentong lir.

Japan Ato Kilonser Fumio Kishida aser Chinese Premier Li Qiang den külem ASEAN lenirtem den tanga senden ka nung Yoon-i, South Korea-i kidanger linük ana den tesendaktep yanglushitsü atema sensaksem tenzükshitsü atema inyaksangshitsü ta ashi.

Linük asem tsüngda 2019 küm tatemsa summit kaogo, aser tang tashi senden ka danga ayongzüka makai arudar koba talisa taoba mapang rara nung Japan inyakyim ajanga lir.

Yoon-isa, North Korea-i parnok indang nuclear aser missile programme mesemtsü atema ozüng alema inyakyim balala benoka inyakbatem nokdangtsü asoshi ayongzükogo, kong bendanger currency aatsü atema mapa inyakerkem yokba densema lir.

2017 küm China-i dena pusema agizükba U.N. Security Council bangzük ka kübok UN züngsem linüktemi North Korea nungner mapa inyakerkem meyipa yoktsüla aser parnok tanaben meyipa magitsüla, ta shia lir.

US Open: Alcaraz, Medvedev & Sabalenka nunger semi-finals-i iogo

Rongjui/September 7, 2023

(Agencies): Tang asaya aliba US Open tebur kija asaya quarter final nung top seed asayar Carlos Alcaraz-i straight sets nung Alexander Zverev madak takok ngua semifinal-i iogo.

Quarter final asaya ya Alcaraz-i 6-3, 6-2, 6-4 agi kokogo aser pa Hokolbarnü semifinal nung Daniil Medvedev den asayatsü.

Asaya nung world number one asayar yagi break points pezü ngutetba ajak koka liasü saka Zverev-ibo serve break asütsü asoshi maongka anguba ponguprongla magitet.

Arishi küm 20 tain Alcaraz-i taoba küm US Open nungi tenzüka tang tashi nung Grand Slam nung asaya 24 kokogo aser French Open semi-finals nung dang pai Novak Djokovic mekoki liasü.

Tebur kija asaya nungsa Daniil Medvedev-i külem Russia nunger asayar Andrey Rublev koka tang agi pezübenbuba US Open semi-final tongtetogo.

Iba asaya ya Medvedev-i 6-

4, 6-3, 6-4 agi straight set nung koka liasü.

Iba asayamung nung seed tasembuba aser 2021 küm iba asayamung koker aliba asayar Medvedev ya set asemprongla nung tesülen aliba nungi meyipa arur takok nguogo aser kasa mapang nung Rublev tang agi tekubenbuba atonga Grand Slam quarter-final nung tsükogo.

Kasa asayamung tetsür kija asaya nung Aryna Sabalenka-i Zheng Qinwen koka semifinal tongtetogo aser taküm Grand Slam tanabuba akoktsü timla lir.

Australian Open champion Sabalenka shiba taruba hopta world number 1 akümsü, lai iba asaya ghonda ka ser minute 13 nung 6-1, 6-4 agi Zheng ayong ayonga koka liasü.

Belarus tsür la ya United States tsür Madison Keys den asayatsü, shibai Czech Republic tsür Marketa Vondrousova kokogo.

Madison Keys-i Wimbledon champion Marketa Vondrousova ya 6-1, 6-4 agi koka liasü. Tena tsüngda ghonda ka ser minute 26 asaya liasü.

TMC-i Delhi nung...

(Tapak 3 nungi...)

West Bengal sorkari ashiba agi, Centre sorkari MGNREGA scheme kübok state nem sen crore 7,500 tagütsütsü lir, aser iba nungjagi aayangertem nem taa agütsütsü alibaji sen crore 2,744 lir.

TMC tongti aser Bengal chief minister, Mamata Banerjee-ia, "MNREGA scheme kübok mapa inyakba nung state tajungtiba süaka nükmerem aser mangyangba politics ajanga Centre-i state nem sen agütsüba anenogo. Onoki iba rara ya Delhi tashi bener aotsü aser Gandhi asoba

anogomong- October 2 nü Delhi nung longkak aita takhangba agütsütsü," ta metetdakja liasü.

Tamalen Left Front chairman, Biman Bose-ia, "Narendra Modi sorkari state nung MGNREGA scheme kübok state nung mapa inyaker sensakertem nem tagütsütsü aliba sen magütsür. Union Budget nung West Bengal atema sen melemzüksü. MGNREGA nung ochimashi lira aibelenertem nemji temerenshi agütsütsüla. Ajisüaka keciba MGNREGA mapa anendaka ayur," ta metetdakja liasü.

Nagaland Taekwondo team national championship atema renema lir



Nagaland Taekwondo team den coach tem Dimapur nung Brehostibarnü tangokba noksa nung angur.

Kohima, Rongjui/ September 7 (TYO): Nagaland Taekwondo Association nungi Taekwondo asayar 12, September 9 nü nungi tenzüka Guwahati nung asayatsü aliba 39buba Senior National (Kyorugi) aser 12buba Senior National (Poomsae) Taekwondo Championship nung shilem agitsü.

Ita ka tepeyong IG Stadium Kohima nung coaching camp ka agiba sülen team Brehostibarnü national championship nung shilem agitsü atema Assam-i ogo.

Nagaland team nung tebur 8 aser tetsür pezü den coach pezü densema lir. Iba senior national Taekwondo championship ya national

games atema qualifying round asütsü. Iba championship nung temaba jenjang nung tembangba team ti taruba National Games atema qualify asütsü, koba Goa nung asayatsü lir.

Anogo asem asayatsü aliba asayamung ya All Assam Taekwondo Association-i ayongzüka Sarusajai sports complex kübok Nabin Chandra Bordoloi Indoor stadium nung asayatsü.

Team ya coach Visabiu Peseyie aser Seyevilie Nakhro nati anirogo aser Santsuthung Ngullie aser Alem Aier na team manager asütsü.

Kyorugi division nung state tenüng nungi asayatsüpur teburtem rongnung

Keyinchigongbe Hega (54kg), S Bovito Chopphy (58kg), Heutingyi (63kg), Vilabizo Nagi (68kg), B Mongkai Phom (74kg), Dikshant (80kg), Sudhir (87kg) aser Menuosetuo Yiese (87kg) nunger densema lir.

Tetsürtem rongnung Visazono (46kg), Dziesengunuo Solo (53kg), Dzuovichunuo Rutsa (57kg) aser Antimonyu Change (62kg) densema lir.

Linük kübok state balala nungi asayar 1000 shi-i national games atema qualify asütsü asoshi iba asayamung nung shilem agitsü.

Iba asayamung ya Nabin Chandra Bordoloi Indoor stadium nung September 9 nungi 11 tashi asayatsü.

Messi, Haaland & Aitana nunger Ballon D'or atema nominate süogo

Rongjui/September 7, 2023 (Agencies): Taküm tebur asayatem rongnungi Ballon d'Or atema nominate asürtem rongnung Lionel Messi aser Erling Haaland nata densema lir aser tetsürtem rongnungi tetsür World Cup akokba Spain team nungi Aitana Bonmati-a densema lir.

Taoba küm Qatar nung Argentina-i World Cup akokba

nung tongbibang shilem agiba sülen taküm Ballon d'Or akoktsü imlar rongnung Messi-a temaba jenjang nung lir. Pa tawa Paris Saint-Germain toktsür Inter Miami nungi tasayadak lir.

Messi den toktepertem rongnung Haaland ya tongtibang asütsü imlar, shiba taoba season asaya 53 nung goal 52 idakja Manchester City-i Champions League, Premier League aser FA Cup akokba nung tongtibang shilem agiogo.

Norway nunger striker yagi taoba hopta taoba season atema UEFA player of the year naroküm agizükogo. Ballon d'Or atema nominate asüba asayatem rongnung Manchester City nungi asayar ti lir.

PSG nungi Kylian Mbappe aser City nungi Kevin De Bruyne nata iba naroküm atema nominee 30 rongnung densema lir. Iba tetushi ya October 30 nü Paris nung agütsütsü.

Benzema shiba küm 14 tashi Real Madrid nungi asayaba sülen Saudi club Al-Ittihad-i ogo, pa-a züngoksema lir.

UEFA women's player

award ngur alila Bonmati, taküma iba naroküm agizüktsü imlartem rongnung densema lir. Taoba ita Sydney nung Spain team-i World Cup akokba nung lai shilem tulu agiogo.

Maneni Barcelona-i Champions League akokba nunga lai tongtibang shilem agiogo aser taküm lai külem Spain tsür Alexia Putellas melenzüktsü imlar. Lai 2022/23 season atema UEFA Women's Player of the Year award agizükatokogo.

Taoba season Barcelona nungi asaya aika nungbo shilem magiba sülen Putellas takümbo nominate masü. La 2021 küm July ita temekok yiruba ajanga ita teku tashi masayatei liasü.

World Cup akokba Spain team nungi asayar pezü nominate asüba nung Bonmati-a densema lir. La den Olga Carmona, Salma Paralluelo aser Alba Redondo nungera nominate süogo.

Nominee 30 rongnung ano Chelsea nungi Australia tsür Sam Kerr aser England goalkeeper Mary Earps nata densema lir.



Mokokchung District Badminton Association purtemi Mokokchung nungi asayatem (abelen nungi -) Sp. Wapangmeren A Jamir, Senepbenla T Imchen aser Arenchila, par asem Nagaland tenüng nungi National Junior Badminton Championship 2023, Bengaluru nung asayatsü atema tanü MDBA lenirtem den apusoa aoba noksa nung angur. (Mkg.Sept.07, 2023).

BILEMDANGANG

"Tagitsü o jembitsü melira mejembi tajungba."